

«Ўзбекгеофизика» АЖнинг
2022 йил 31 август кундаги
117 - сон буйруғига
7-илова

**“ЎЗБЕКГЕОФИЗИКА”
АКЦИЯДОРЛИК ЖАМИЯТИНИНГ
“КОРРУПЦИЯГА ҚАРШИ КУРАШИШ ВА
КОМПЛАЕНС НАЗОРАТИ” БЎЛИМИ ТЎҒРИСИДА
НИЗОМ**

I. Умумий қоидалар

“Ўзбекгеофизика” АЖ “Коррупцияга қарши курашиш ва комплаенс назорати” бўлими тўғрисидаги ушбу Низом “Коррупцияга қарши курашиш ва комплаенс назорати” бўлими (бундан буён матнда – Бўлим) фаолиятини тартибга солади.

1.2. Бўлим “Ўзбекгеофизика” акциядорлик жамиятининг (бундан буён матнда - Жамият) таркибий бўлинмаси бўлиб, Жамиятнинг тасдиқланган тузилмасига мувофиқ бевосита Бошқарув Раисига (кузатув кенгашига) бўйсинади.

1.3. Бўлим қуйидаги ҳолларда Жамият Бошқарув раисини четлаб ўтиб, Жамият Кузатув Кенгашига бевосита алоқа қилиш ҳуқуқига эга:

Бошқарув раисининг Жамиятда коррупцияга қарши тизимни ишлаб чиқиш ва такомиллаштириш чораларини кўрмаса (шу жумладан коррупцияга қарши чоралар учун ресурслар ажратишдан асосиз бош тортиши);

Бошқарув раиси Жамиятнинг “Коррупцияга қарши курашиш бўйича Сиёсати”, Жамиятнинг коррупцияга қарши ёки амалдаги коррупцияга қарши қонунчилик тартиб-қоидаларини бузганлик учун чора кўрмаса;

Бошқарув раиси томонидан Жамиятнинг “Коррупцияга қарши курашиш бўйича Сиёсати” ва тартиб-қоидалари ёки амалдаги коррупцияга қарши қонунчиликни бузса.

1.4. Бўлимнинг ташкилий шакли Жамият Бошқарув раисининг буйруғи билан тасдиқланган Жамият штат жадвали билан белгиланади. Бўлим асосий ходимлари 2 (икки) штат бирликларидан иборат.

1.5. Бўлим ўз фаолиятида бевосита Жамиятнинг Бошқарув раисига (кузатув кенгашига) буйсунади. Бўлим бошлиғи ўтказиладиган очиқ танлов асосида Давлат геология ва минерал ресурслар кўмитаси (бундан буён – Кўмита) ва/ёки Ўзбекистон Республикаси Коррупцияга қарши курашиш агентлиги (бундан буён – Агентлик) билан келишилган ҳолда ишга қабул қилинади.

Бўлим бошлиғи лавозимига тайинлаш, бошқа лавозимга ўтказиш ва лавозимдан озод қилиш “Ўзбекгеофизика” АЖ Бошқарув раисининг буйруғи билан амалга оширилади.

1.6. Бўлим бошлиғи лавозимидан озод этиш масаласи Кўмита ва/ёки Агентлик билан келишилади. Бунда, Жамият томонидан Кўмита ва/ёки Агентликка Жамият Бошқарув раисининг Бўлим бошлиғини лавозимидан озод этиш ҳақидаги тақдимномаси берилади. Ушбу тақдимномада Бўлим бошлиғини лавозимидан озод этиш сабаблари, мотивлари кўрсатилади. Тақдимномага бўлим бошлиғини лавозимидан озод этиш сабаблари ва мотивларини тасдиқловчи ҳужжатлар (масалан, ходимнинг аризаси, ички меҳнат тартиби қоидаларини бузганлигини кўрсатувчи маълумотлар ва бошқа шу каби ҳужжатлар) илова қилинади. Кўмита ва/ёки Агентлик томонидан бўлим бошлиғи лавозимидан озод этиш сабаблари, мотивлари етарли эмас деб ҳисобланса, шу жумладан бўлим бошлиғи таъқиб қилинаётганлиги ҳақида маълумотларга эга бўлса, ушбу масалада бўлим бошлиғи билан суҳбат ўтказилиши мумкин.

Қуйидагилар бўлим бошлиғининг лавозимидан озод этишни келишишни рад этиш учун асос бўлади:

Бўлим бошлиғи лавозимидан озод этиш учун сабаблар етарли эмас деб

топилганда;

бўлим бошлиғининг зиммасига юклатилган вазифа ва мажбуриятлар доирасидан ташқари вазифаларни бажармаганлиги ёки ўзига юклатилган вазифа ва мажбуриятларни бажарганлиги учун таъқиб қилинганлиги ҳолати аниқланганда;

Такдим этилган ҳужжатлар Қўмита ва/ёки Агентлик томонидан 3 (уч) иш куни ичида кўриб чиқилиб, Жамиятга бўлим бошлиғининг лавозимидан озод этишни келишиш ёки келишишнинг рад этилганлиги сабаблари кўрсатилган хат такдим этилади.

1.7. Бўлим ходимлари Давлат геология ва минерал ресурслар қўмитаси “Ички назорат” Бошқармаси бошлиғи билан келишилган ҳолда бўлим бошлиғининг тавсиясига биноан ўтказиладиган очиқ танлов асосида Жамият Бошқарув раиси буйруғи билан лавозимга тайинланади.

Бўлим ходимлари Давлат геология ва минерал ресурслар қўмитаси “Ички назорат” Бошқармаси бошлиғи ва бўлим раҳбари билан келишилган ҳолда, Жамият Бошқарув раисининг буйруғи билан лавозимидан озод этилади.

Бўлим фаолияти Жамият ва унинг таркибий бўлинмалари фаолиятида коррупцияга қарши Комплаенс тизимини жорий этиш бўйича услубий ва тезкор йўл-йўриқ кўрсатишга, шунингдек, коррупцияга қарши чора-тадбирлар бажарилишини мониторинг ва назорат қилишга қаратилган.

1.8. Бўлим ўз фаолиятида қуйидагиларга амал қилади:

Ўзбекистон Республикасининг Конституцияси ва амалдаги қонунчилиги;

Ўзбекистон Республикаси Коррупцияга қарши курашиш Агентлиги директорининг буйруғи билан тасдиқланган Коррупцияга қарши ички назорат тузилмалари фаолияти тўғрисидаги намунавий Низоми;

Жамиятнинг Устави;

акциядорлар умумий йиғилиши ва жамият Кузатув Кенгаши қарорлари;

“Жамоавий шартнома” ва Жамиятнинг “Одоб-ахлоқ” Кодекси;

ушбу Низом ва бўлим ходимларининг лавозим йўриқномалари;

ички меҳнат тартиб-қоидалари қоидалари;

Жамиятнинг қарорлари, буйруқлари, фармойишлари, кўрсатмалари ва бошқа ички ҳужжатлари.

1.9. Бўлим ўз фаолиятини, юклатилган функционал вазифаларнинг бажаришда “Ўзбекгеофизика” АЖ ва унинг таркибий бўлинмалари, бошқа органлар, давлат идоралари ҳамда кенг жамоатчилика суянган ҳолда амалга оширади.

1.10. Бўлим етарли даражада моддий ресурслар билан таъминланиши, унга тайинланган шахслар тегишли билим ва кўникма, ваколатга эга, ҳамда ўз ҳаракатларида мустақил бўлишлари керак.

II. Бўлим тузилмаси

2.1. Бўлимнинг тузилмаси ва штат миқдори “Ўзбекгеофизика” АЖнинг устав фондида 96,82% улушга эга акциядорларининг (давлат вакиллари) 29.06.2021 йилдаги умумий йиғилиш Қарорига мувофиқ тасдиқланган.

2.2. Бўлим ходимлари бевосита бўлим бошлиғига бўйсундилар ва унинг йўқлигида (таътил, бўлим сафари, касаллик ва бошқалар) вазифаларини

белгиланган тартибда тайинланган бўлим ходими бажаради. Бўлим бошлиғи бўлим ходимлари ўртасида мажбуриятларни тақсимлайди.

2.3. Бўлим бошлиғи ва ходимларининг лавозим йўриқномалари Жамият Бошқаруви раиси томонидан тасдиқланади. Бўлимнинг ҳар бир ходими ушбу Низом ва Лавозим йўриқномаси билан Ўзбекистон Республикаси Меҳнат Кодекси ва Жамиятнинг ички ҳужжатларида белгиланган тартибда ва муддатларда танишиши керак.

2.4. Бўлим бошлиғи ва бўлим ходимлари ўзларига юклатилган вазифаларни бажариш учун етарли билим, тажриба ва малакага, бенуқсон обрўга эга бўлиши ва Жамият бошқарув органларининг ишончидан баҳраманд бўлиши керак.

Бўлим раҳбари номзодлигига қўйиладиган талаблар

2.5. Бўлим бошлиғи лавозими олий юридик ёки иқтисодий маълумотга эга бўлган шахсга берилади (бундай бўлмаса - бошқа олий таълим), Комплаенс ва ёки хавф-хатарларни бошқариш, ички назорат ва ёки ички аудит, ҳуқуқ ва ёки иқтисодий хавфсизлик соҳасида камида 5 йил иш тажрибасига эга, бир жамоада ишлаш ва замонавий ахборот технологияларидан фойдаланиш, шунингдек, жисмоний ва юридик шахсларнинг мурожаатлари билан ишлаш кўникмаларига эга бўлиши лозим.

Бўлим бошлиғи ўз вазифаларини бажариш учун қуйидагиларни билиши лозим:

- “Ўзбекгеофизика” АЖ тузилмасини;
- Жамият ва унинг таркибий бўлинмаларида коррупцияга қарши сиёсатни амалга оширишга доир қонун ва қонуности меъёрий ҳужжатларини;

- **коррупцияга қарши курашиш тизимининг талабларини (ISO 37001:2016);**

- **углеводородли минерал-хом ашё базаси тўғрисида тушунчага эга бўлиш;**

- меҳнатни муҳофаза қилиш ва техника хавфсизлиги қоидалари, саноат хавфсизлиги, саноат санитарияси ва ёнгин хавфсизлиги қоидалари, нормалари, ички меҳнат тартиб қоидаларини;

- қўлланмалар, юқори турувчи идоралар томонидан соҳада фойдаланиши учун ишлаб чиқилган қоидаларни;

- иқтисодиёт, ишлаб чиқаришни ташкил қилиш, меҳнат ва менежмент;

- меҳнат қонунчилиги асослари;

- ўзбек ва рус тилларини.

2.6. Бўлим бошлиғи ўз малакасини ва бўлим ходимларининг малакасини мунтазам ошириб бориш ҳақида ғамхўрлик қилиши шарт.

2.7. Бўлимнинг иш режаси Жамият Бошқарув раиси билан келишиб олинади.

Бўлим етакчи мутахассиси номзодлигига қўйиладиган талаблар

2.8. Бўлим етакчи мутахассиси лавозими олий юридик ёки иқтисодий маълумотга эга бўлган шахсга берилади (бундай бўлмаса - бошқа олий таълим), Комплаенс ва ёки хавф-хатарларни бошқариш, ички назорат ва ёки ички аудит, ҳуқуқ ва ёки иқтисодий хавфсизлик соҳасида камида 3 йил иш тажрибасига эга, бир жамоада ишлаш ва замонавий ахборот технологияларидан фойдаланиш, шунингдек, жисмоний ва юридик шахсларнинг мурожаатлари билан ишлаш кўникмаларига эга бўлиши лозим.

Бўлим ходими ўз вазифаларини бажариш учун қуйидагиларни билиши лозим:

- “Ўзбекгеофизика” АЖ тузилмасини;
- Жамият ва унинг таркибий бўлинмаларида коррупцияга қарши сиёсатни амалга оширишга доир қонун ва қонуности меъёрий ҳужжатларини;
- меҳнатни муҳофаза қилиш ва техника хавфсизлиги қоидалари, саноат хавфсизлиги, саноат санитарияси ва ёнгин хавфсизлиги қоидалари, нормалари, ички меҳнат тартиб қоидаларини;
- қўлланмалар, юқори турувчи идоралар томонидан соҳада фойдаланиши учун ишлаб чиқилган қоидаларни;
- иқтисодиёт, ишлаб чиқаришни ташкил қилиш, меҳнат ва менежмент;
- меҳнат қонунчилиги асослари.
- ўзбек ва рус тилларини.

2.6. Бўлим етакчи мутахассиси ўз малакасини мунтазам ошириб бориш ҳақида ғамхўрлик қилиши шарт.

2.7. Бўлим етакчи мутахассисининг иш фаолияти Бўлим иш режаларига мувофиқ ташкил қилинади.

III. Бўлимнинг асосий мақсади, вазифа ва функциялари

3.1. Бўлимнинг асосий мақсади:

Жамиятда, шунингдек, унинг таркибий бўлинмаларида коррупцияга қарши курашиш бўйича ISO 37001:2016 халқаро стандарти талабларига жавоб берувчи комплекс тизимни, хусусан коррупцияга қарши курашиш тизимини жорий этиш ва ривожлантириш, коррупциявий ҳолатларни барвақт аниқлаш ва уларнинг сабаб ва шарт-шароитларини бартараф этиш, коррупциявий хатти-ҳаракатлар содир этилишининг олдини олиш, Жамият ва унинг таркибий бўлинмалари ходимларида коррупцияга нисбатан муросасиз муносабатни шакллантириш мақсадида уларнинг ҳуқуқий онги ва маданиятини ошириш, Жамиятда коррупцияга қарши профилактик чора-тадбирларни ташкил этиш, коррупцияга қарши курашиш соҳасидаги ҳужжатлар ижросини таъминлашдан иборат.

3.2. Бўлимнинг асосий вазифалари:

Жамиятда коррупцияга қарши тизимни яратиш, тартибга солиш ва такомиллаштириш;

Жамиятда коррупцияга оид ҳуқуқбузарликларни профилактика қилиш ва уларга қарши курашиш;

Жамиятда коррупцияга қарши курашиш тизимининг самарали ишлашини таъминлаш ва назорат қилиш;

ички текширувлар ўтказиш ва жамиятдаги коррупциоген ҳаракатларига ўз вақтида жавоб бериш;

жамият таркибий бўлинмалари билан коррупцияга қарши ҳамкорлик қилиш;

коррупцияга қарши курашиш бўйича фаолиятни амалга оширувчи ҳамда унда иштирок этувчи бошқа ҳуқуқни муҳофаза қилувчи давлат органлари ва ташкилотлари билан ўзаро ҳамкорлик қилиш;

3.3. Ўзига юкланган вазифаларни бажариш учун Бўлим қуйидаги функцияларни бажаради:

3.3.1. Жамиятнинг коррупцияга қарши курашиш бўйича фаолиятини такомиллаштириш соҳасида:

Жамиятда коррупцияга қарши чора-тадбирларни амалга оширишга қаратилган ички меъёрий ҳужжатлар лойиҳаларини ишлаб чиқади;

Жамиятда коррупцияга қарши кураш бўйича чора-тадбирлар режасини ишлаб чиқади (шу жумладан бир йил, шунингдек узоқ муддатга) ва уни Бошқарув раисига тасдиқлаш учун тақдим этади;

коррупцион хавф-хатарларни баҳолашни ўтказиши, унинг натижалари асосида зарур ҳолларда аниқланган хавф-хатарларни минималлаштириш чора-тадбирларини ишлаб чиқади;

коррупцияга қарши қонун ҳужжатлари талабларига риоя этилишини таъминлаш, Жамият обрўсига путур етказувчи хавфларни камайтириш, шунингдек, коррупцияга қарши тизим яратиш билан боғлиқ назорат тартибларини ва ички меъёрий ҳужжатларини такомиллаштириш бўйича тақлифларни ишлаб чиқади;

Жамиятнинг коррупцияга қарши сиёсати ва амалга оширилаётган чора-тадбирлари амалдаги коррупцияга қарши қонун ҳужжатларга мослиги бўйича баҳо беради ва улар (чоралар)нинг етарлиги, мутаносиблиги ва долзарблиги бўйича хулоса беради;

Жамиятда коррупцияга қарши курашиш фаолиятини янада самарали ташкил этиш ва такомиллаштиришга қаратилган аниқ тақлифларни Жамият раисига, Давлат геология ва минерела ресурслар қўмитаси “Ички назорат” Бошқармасига ва/ёки Агентликка киритиб боради;

Жамиятнинг ички меъёрий ҳужжатларида белгиланган даражада ва тартибда манфаатлар тўқнашуви ҳолатларини таҳлил қилиш ва кўриб чиқиш жараёнида иштирок этади ҳамда Жамият манфаатлари тўқнашуви ҳолатлари рўйхатини тузади;

Жамиятнинг ички меъёрий ҳужжатларида белгиланган тартибда ишга номзодлар ва контрагентларнинг ишончлилигини текшириш жараёнида иштирок этади;

Жамиятнинг жорий операцияларини Жамиятнинг ички меъёрий ҳужжатларига мувофиқ тасдиқлайди;

коррупцияга қарши масалалар бўйича Жамият ходимларига тушунтириш ва тавсиялар беради;

Жамият фаолиятида коррупция ҳолатлари ва хатарларини аниқлаш мақсадида Жамият ходимлари ва контрагентлар ўртасида сўровномалар ўтказиши;

коррупцияга қарши стандартлар ва талаблар бўйича ўқитиш, Жамият ходимлари учун ўқув режаларини тайёрлашда иштирок этади;

Жамиятнинг ички меъёрий ҳужжатларида белгиланган тартибда Жамият ходимлари учун коррупцияга қарши масалалар бўйича ўқув материалларини ишлаб чиқади ва тренинглар ўтказиши;

Жамият ходимлари орасида коррупцияга қарши тарғибот ва ташвиқот ишларида иштирок этади;

Жамият томонидан коррупцияга қарши кураш доирасида ташқи тадбирларни ўтказишни режалаштириш ва ўтказишда, шунингдек ушбу тадбир доирасида материалларни тайёрлашда иштирок этади;

Жамиятнинг расмий веб-сайтида “Коррупцияга қарши кураш” бўлимида жойлаштирилган маълумотларни тўлдириш ва янгилашни таъминлайди;

Жамиятда содир этилган коррупцион ҳуқуқбузарликлар ҳолати ва тенденциялари тўғрисида маълумот тўплайди ва шу каби ҳуқуқбузарликлар Жамият ижро органи ходимлари томонидан содир этиш эҳтимолини баҳолайди.

3.3.2. Жамиятда коррупцияга оид ҳуқуқбузарликларни профилактика қилиш ва уларга қарши курашиш соҳасида:

Жамиятда коррупциявий хавф-хатарларни баҳолайди, уларнинг натижалари бўйича аниқланган хавф-хатарларни камайтириш юзасидан чора-тадбирлар режаларини ишлаб чиқади ва Жамиятда коррупциявий хавф-хатар юқори бўлган лавозимлар рўйхатини яратади;

Жамият томонидан ўхшаш ҳуқуқбузарликлар содир этилиши эҳтимолини баҳолаш мақсадида давлат ҳокимиятининг бошқа органларида коррупциявий ҳуқуқбузарликлар содир этилишининг ҳолати ва йўналишлари ҳақида маълумот тўплайди;

махсус ахборот алоқа каналлари орқали Жамият ходимлари томонидан коррупциявий хавф-хатарлар ва ҳуқуқбузарликлар ҳақида келиб тушадиган мурожаатларни таҳлил қилади ва уларни белгиланган тартибда кўриб чиқилишини таъминлайди;

жамиятда юритиладиган бўлим текширувлари реестри ёки ўтказилган бўлим текширувларини рўйхатга оладиган бошқа тегишли ҳужжатда коррупция фактларига доир бўлим текширувлари бўйича маълумотларнинг тўғри ва тўлиқ акс эттириб борилишини назорат қилади;

давлат харидларини амалга оширишда манфаатлар тўқнашувини таҳлил қилишда ва Жамият билан шартномавий муносабатларга (меҳнат муносабатлари бундан мустасно) киришган ҳар қандай юридик ёки жисмоний шахсларнинг ишончлилигини текшириш жараёнида иштирок этади;

жамият ходимларига коррупцияга қарши курашиш масалалари бўйича тушунтириш ва тавсиялар беради;

коррупция фактлари ҳақида хабар беришга мўлжалланган махсус ахборот алоқа каналларининг фаолият натижаларини таҳлил қилади ва таҳлилий материалларни Жамият Бошқаруви раисига ва ходимларига етказилади;

жамият фаолиятидаги коррупциявий ҳолатларни ва хавф-хатарларни аниқлаш мақсадида аҳоли ва ходимлар орасида сўровлар ўтказилади;

коррупцияга қарши курашишга оид талаб ва нормаларнинг бузилиши масалалари бўйича интизомий жавобгарликка тортилаётган шахсларга жазо чораларининг мутаносиблиги ва етарлилигини назорат қилади;

коррупцияга қарши курашиш тизимини янада такомиллаштириш мақсадида Жамиятда коррупция фактлари юзасидан ўтказилган Бўлим текширувлари натижалари ҳақидаги маълумотларни таҳлил қилади;

ҳар чоракда Жамият Бошқарув раисига Жамиятда коррупцияга қарши курашиш бўйича амалга оширилган ишлар ҳамда коррупциявий ҳолат ҳақида маълумот тақдим этади;

жамиятда ўрнатилган назорат тартиб-қоидаларига риоя этилишини мунтазам равишда текширади, Жамиятнинг ички меъёрий ҳужжатларига мувофиқ коррупция хавфи юқори бўлган соҳаларда операциялар ва тўловларни назорат қилади;

коррупцияга қарши қонун ҳужжатлари ва Жамиятнинг коррупцияга қарши кураш соҳасидаги ички меъёрий ҳужжатлари асосида аниқланган қоидабузарликларни бартараф этилишини назорат қилади;

жамиятнинг барча ходимлари учун коррупцияга қарши тренинг ўтказилишини ва уларнинг ўқув режасига мувофиқ иштирок этишини назорат қилади;

жамият бошқарув аъзолари ва ходимлари хабардорлигини ошириш мақсадида улар эътиборига коррупцион хавф-хатарлар тўғрисидаги таҳлилий материаллар, шу жумладан ахборот коммуникация каналлари орқали олинган коррупцион фактлар натижалари ва таҳлилни маълумот тарзида тақдим этади;

ҳар чоракда ва зарур ҳолларда Жамиятда коррупцияга қарши курашиш бўйича амалга оширилган ишлар юзасидан Жамият Бошқарув раисига ҳисобот беради.

коррупцияга қарши давлат дастурлари доирасида Жамиятга юклатилган вазифаларнинг бажарилишини мониторинг ва назорат қилади;

3.3.3. Жамиятда коррупцияга қарши курашиш тизимини самарали ишлашини таъминлаш ва назорат қилиш соҳасида:

коррупцияга қарши курашиш бўйича давлат дастурларида Жамиятга юклатилган вазифалар ижросини мониторинг қилади ва назоратини амалга оширади;

Жамият тизимида коррупцияга қарши курашиш тизимининг ISO37001:2016 Коррупцияга қарши халқаро стандарти талабларига мослигини таъминлайди;

Жамият ходимларининг малакасини ошириш бўйича ўқув режаларининг коррупцияга қарши нормаларга оид қисмини ишлаб чиқишда иштирок этади;

Жамият ходимлари, шу жумладан коррупциявий хавф-хатари юқори бўлган лавозимлардаги ходимлар учун коррупцияни олдини олиш бўйича ўқув материалларини ишлаб чиқади;

ўқув режага мувофиқ Жамиятнинг барча ходимлари учун коррупцияга қарши курашиш бўйича тренингларнинг ўтказилишини ҳамда уларда ходимларнинг иштирок этишини назорат қилади;

Жамият тизими ходимлари ва фуқаролар ўртасида коррупцияга қарши курашиш бўйича тарғибот тадбирларида иштирок этади;

Жамиятнинг расмий веб-сайтидаги “Коррупцияга қарши курашиш” бўлими ҳамда ижтимоий тармоқларидаги саҳифаларига жойлаштирилган маълумотларни янгиланиб борилишини таъминлайди;

Жамият тизимидаги ходимлар томонидан коррупцияга қарши курашиш соҳасидаги Ўзбекистон Республикасининг қонунчилигига ва ташкилотнинг коррупцияни олдини олиш ва унга қарши курашиш бўйича ички ҳужжатларига риоя қилинишини мониторинг ва назорат қилади;

Жамият тизимидаги коррупциявий хатти-ҳаракатлар бўйича Бўлим текширувларини ўтказиш ташаббусини илгари суради ва унда иштирок этади;

одоб-ахлоқ комиссиялари томонидан манфаатлар тўқнашувини тартибга солиш бўйича қабул қилинган қарорларнинг холислиги ва мақбуллигини текширади;

амалга оширилган мониторинг, Бўлим текширувлари ва назорат тадбирлари натижалари бўйича коррупцияга қарши курашиш тизимини такомиллаштириш юзасидан тавсиялар ишлаб чиқади;

коррупцияга қарши курашиш бўйича фаолиятни амалга оширувчи ҳамда унда иштирок этувчи ҳуқуқни муҳофаза қилувчи органлар ва ташкилотлари билан ҳамкорликда коррупция ҳолатларини олдини олиш ва ходимларнинг ҳуқуқий саводхонлигини оширишга қаратилган конференциялар, учрашувлар, семинарлар, танловлар ва бошқа тадбирларни ташкил этади;

Жамият фаолияти унинг коррупцияга қарши курашиш бўйича ички ҳужжатларига ҳамда халқаро стандартларга мувофиқлиги юзасидан мониторинг ўтказилади.

3.3.4. Ички текширувлар ва Жамиятдаги коррупция ҳаракатларига ўз вақтида жавоб бериш доирасида:

Жамиятнинг ички меъёрий-ҳуқуқий ҳужжатларида белгиланган тартибда ва доирада “Ишонч телефони” ва Жамиятнинг бошқа алоқа каналлари орқали қабул қилинган коррупция хатарлари ва ҳуқуқбузарликлар бўйича шикоятларни таҳлил қилади ва чора кўради;

Жамиятдаги коррупцион амалиётлар бўйича ички текширувларни бошлаш ва ўтказишда иштирок этади;

коррупцияга қарши курашни янада такомиллаштириш мақсадида Жамиятдаги коррупция фактлари бўйича ўтказилган ички текширувлар натижалари тўғрисидаги маълумотларни таҳлил қилади;

коррупцияга қарши талаблар ва нормаларни бузганлик учун интизомий жавобгарликка тортилган шахсларга нисбатан жазоларнинг муносиблиги ва етарлилигини назорат қилади;

Жамият ва унинг таркибий бўлинмаларида коррупцияга қарши тизимнинг ишлашини назорат қилади;

3.3.5. Коррупцияга қарши курашиш бўйича фаолиятни амалга оширувчи ҳамда унда иштирок этувчи бошқа давлат органлари ва ташкилотлари билан ҳамкорликни олиб бориш соҳасида:

аҳолининг ҳуқуқий онги ва ҳуқуқий маданиятини юксалтиришга, жамиятда коррупцияга нисбатан муросасиз муносабатни шакллантиришга доир чора-тадбирларнинг ишлаб чиқилишида иштирок этади;

қонунчилик ҳужжатлари билан Жамият зиммасига юклатилган коррупцияга қарши курашиш бўйича вазифаларга мувофиқ хорижий давлатларнинг ваколатли органларига зарур ахборотни тақдим этиш тўғрисида сўровлар юборади ва уларнинг сўровларига жавоб беришда иштирок этади;

коррупциявий хатти-ҳаракатларни бартараф қилиш ёки коррупциявий жиноятларни тергов қилиш бўйича тадбирларни амалга оширишда ҳуқуқни муҳофаза қилувчи органлар билан ҳамкорлик қилади.

3.3.6. Бўлим қонунчилик ҳужжатларига мувофиқ, Жамият Бошқарув раиси ва Кузатув Кенгашининг топшириғига асосан ўз ваколати доирасидаги бошқа вазифа ва функцияларни бажариши мумкин.

3.3.7. Бўлим ва уларнинг ходимларига ушбу Низом ва бошқа қонунчилик ҳужжатларида назарда тутилмаган функцияларнинг юклатилишига йўл қўйилмайди.

IV. Бўлимнинг ҳуқуқ ва мажбуриятлари

“Ўзбекгеофизика” акциядорлик жамиятининг
 “Коррупцияга қарши курашиш ва комплаенс назорати” бўлими тўғрисида
НИЗОМ

4.1. Ўзига юкланган вазифалар ва функцияларни бажариш учун белгиланган тартибда Бўлим қуйидаги ҳуқуқларга эга:

Бўлим вазифаларини бажариш учун зарур бўлган Жамият ва унинг таркибий бўлинмалари ходимларидан таҳлилий материаллар, хулосалар, бирламчи ва бошқа тасдиқловчи ҳужжатлар, ўз ваколати доирасидаги масалалар бўйича статистик ва бошқа маълумотларни талаб қилиш ва олиш;

Жамиятнинг ички меъёрий ҳужжатларига мувофиқ Бўлим вазифаларини бажариш учун зарур бўлган ҳужжатлар ва маълумотларга, шу жумладан тижорат сирларига ёки бошқа қонун билан ҳимояланган маълумотларга эга бўлиш;

Текширишларни амалга ошириш, ҳужжатларни талаб қилиш, Жамият ва унинг таркибий бўлинмалари ходимларидан ёзма тушунтиришлар олиш, шунингдек, бинолар, иншоатлар ва ускуналар кузатувдан ўтказиш, керакли ҳужжатлар нусхаларини қилиш ва текширувлар доирасидаги фактларни фото ва видео ёзувлар қилиш.

Жамият ва унинг таркибий бўлинмаларига ўз фаолиятига оид ёзма кўрсатмалар, топшириқ хатлари ва тавсиялар бериш;

Жамиятнинг коррупцияга оид мажлисларида иштирок этиш;

Жамият Бошқаруви раиси ва Кузатув Кенгашига Жамият ва унинг таркибий бўлинмаларида коррупцияга қарши курашни такомиллаштириш бўйича таклифлар киритиш;

Жамият Бошқарув раиси томонидан ташкилий-техник масаларни ҳал этиш ва расмий вазифаларини бажариш учун зарур бўлган ҳужжатларни расмийлаштиришни сўраш;

Бўлимнинг жавобгарлик соҳасига оид масалалар бўйича Кузатув Кенгашига бевосита мурожаат қилиш (ушбу Низомнинг 1.3-бандга асосан);

Бўлим ваколатига кирувчи масалалар юзасидан республика вазирликлари ва идораларида, жамоат ва бошқа ташкилотларда Жамият вакили сифатида қатнашиш;

Бўлим қонун ҳужжатларига ва (ёки) Жамиятнинг ички меъёрий ҳужжатларига мувофиқ бошқа ҳуқуқларга эга бўлиши мумкин.

4.2. Бўлим ўз зиммасига юклатилган вазифалар ва функцияларни бажариш учун қуйидаги мажбуриятларга эга:

ушбу Низом ва бошқа қонунчилик ҳужжатлари билан юклатилган функцияларни зарур даражада ва самарали бажариш;

қонунчилик ҳужжатлари талабларига қатъий риоя қилиш ва ўз ваколат доирасидан четга чиқмаслик;

Жамият тизимида жиноят аломатлари, хусусан коррупция ҳолатлари аниқланганлиги тўғрисида зудлик билан тўғридан-тўғри юқори турувчи орган, Агентлик ва бошқа ҳуқуқни муҳофаза қилувчи органларга хабар бериш;

Жамиятнинг коррупцияга қарши курашиш сиёсати, одоб-ахлоқ кодексининг коррупцияга оид қисмининг бузилганлиги ҳолатлари юзасидан Жамият Бошқарув раисига маълумотномалар киритиш;

ҳар чоракда, кейинги чорак биринчи ойининг биринчи ўн кунлигида коррупцияга қарши курашиш борасида амалга оширилган ишлар ва чора-тадбирлар тўғрисидаги чораклик ҳисоботни Жамият раисига, Давлат геология ва

минерал ресурслар кўмитаси “Ички назорат” Бошқармасига ва/ёки Агентликга тақдим этиш;

Бўлим ходими қонунчилик ҳужжатларига мувофиқ бошқа мажбуриятларга ҳам эга бўлиши мумкин.

4.3. Бўлим ходимлари коррупцияга қарши курашиш соҳасида фаолият юритувчи ходимларга мўлжалланган ўқув курслари ёки махсус семинар-тренинглarda иштирок этади. Ўқув курслари ёки махсус семинар-тренинглар Жамият, Давлат геология ва минерал ресурслар кўмитаси ёхуд Агентлик томонидан ташкил этилиши мумкин.

4.4. Бўлим фаолиятининг натижадорлиги Жамиятда коррупцияга қарши курашиш тизимининг самарадорлик ва мақсадли кўрсаткичларига эришиш натижаларига асосан баҳоланади.

4.5. Бўлим фаолиятининг мақсадли кўрсаткичлари Жамиятнинг Бошқарув раиси томонидан тасдиқланади.

Бўлим фаолияти самарадорлигининг мақсадли кўрсаткичларига эришиш устидан назорат Давлат геология ва минерал ресурслар кўмитаси “Ички назорат” Бошқармаси ва/ёки Агентлик томонидан амалга оширилади.

Бўлим ходимлари қуйидагилар учун масъул:

- ўзига юклатилган вазифаларни тўғри ва самарали бажариш;
- коррупцияга қарши курашиш бўйича қонун ҳужжатлари ва меъёрий-ҳуқуқий ҳужжатлар талабларига риоя этилишини таъминлайди. Жумладан “Ўзбекгеофизика” АЖнинг “Жамиятнинг коррупцияга қарши курашиш бўйича Сиёсати”, “Одоб-ахлоқ кодекси”, “Манфаатлар тўқнашувини бошқариш Сиёсати” ва “Совға бериш ва қабул қилиш Сиёсати”га тўлиқ амал қилади;

- ушбу меъёрий ҳужжатлар талаблари ва уларда юклатилган мажбуриятларини бажаришни ўз зиммасига олиш ва келажақда бу талабларни бажармаганда жавобгар бўлишини англайди;

- ўз фаолияти давомида юридик ва жисмоний шахслар ёки давлат иштирокидаги ташкилот ходимига пора бериш ёки пора олишда воситачилик қилиш, улардан моддий ёки номоддий наф олишдан тийилиши, ташаббус кўрсатиш, рухсат ёки ваъда бермайди;

- иш жараёнида маълум бўлиб қолган ҳуқуқбузарликлар тўғрисида тегишли чоралар кўришни таъминлайди ва бошқа ходимларга намуна бўлади;

коррупцияга қарши кураш тизими Жамиятнинг ўз фаолиятидаги салбий оқибатларга олиб келадиган ҳуқуқбузарликларни ўз вақтида аниқлаш;

ўз расмий вазифаларини бажариш жараёнида маълум бўлган махфий маълумотларни ҳимоя қилиш режимига риоя қилиш;

Бўлим вазифалари доирасида Вазирлар Маҳкамаси, жамият бошқарув органлари ва ташкилотларига тақдим этиладиган ҳужжатлар, таклифлар ва саволлар лойиҳаларини юқори сифатда ташкил этиш;

Ўзбекистон Республикаси Президентининг 2017 йил 11 апрелдаги “Ўзбекистон Республикаси Президентининг ҳужжатлари ва топшириқлари самарали ва натижали ижро этилиши, шунингдек ижро интизоми мустаҳкамланиши учун Ўзбекистон Республикаси Президенти Давлат маслаҳатчиларининг, Вазирлар Маҳкамаси ва унинг комплекслари, давлат ва хўжалик бошқаруви органлари ҳамда барча даражалардаги ҳокимликлар раҳбарларининг шахсий жавобгарлиги тўғрисида”ги ПҚ-2881-сон Қарори ва

Вазирлар Маҳкамасининг 1999 йил 12 январдаги “Ижро интизомини мустаҳкамлаш чора-тадбирлари тўғрисида”ги 12-сон Қарори талаблари асосида ижро интизомини таъминлаш.

4.6. Бўлим ходимларининг ўз расмий вазифаларини бажармаганлиги ёки нотўғри бажарганлиги учун жавобгарлигининг тури ва миқдори Ўзбекистон Республикасининг амалдаги қонун ҳужжатларига ва Жамиятнинг ички ҳужжатларига мувофиқ белгиланади.

V. Яқуний қоидалар

5.1. Ушбу Низом талабларини бузганликда айбдор деб топилган шахслар қонунчиликда белгиланган тартибда жавобгар бўлади.

5.2. Ушбу Низом Ўзбекистон Республикаси Президентининг 2021 йил 6 июльдаги ПҚ-5177 – сон “Коррупцияга қарши курашиш фаолиятини самарали ташкил этишга доир қўшимча чора-тадбирлар тўғрисидаги” Қарори ва Агентликнинг “Коррупцияга қарши ички назорат тузилмалари фаолияти тўғрисидаги намунавий Низомини”га мувофиқ ишлаб чиқилган.